



# 21 PROJETEN, DÉI MIR DÉI NÄCHST JORE FIR IECH & MAT DEN NORD-GEMENGEN ËMSETZE WËLLEN



**Gesondheitswiesen** Duerch d'Schafe vun enger **pediatrescher Urgence** an der allgemenger Erweiderung vun den Urgencëservicer wäerte mir fir eng besser Gesondheitsversuergung am Norden suergen. Zousätzlech wëlle mir eng Offer u **jugendpsychiatrescher Betreiuung** am Norde schafen, fir dass déi betrafte Leit méi fréi gehollef kënne kréien an net méi länger Strecken op sech huele mussen.



**Nordspëtzt** Den Opbau vun engem Centre de formation fir d'Handwierk muss ënnerstëtzt ginn, fir dass d'Handwierker net ëmmer esou wäit musse fuere fir hir Weiderbildungen kënne ze maachen.



**Landwirtschaft** Duerch d'Valorisatioun vu **lokale Produkter** wëlle mir d'Bauern am Norde manner ofhängeg vun de Weltmarktpräiser maachen. Mam Zougang zu de Kantine vum Staat a Gemengen kéim een dësem Zil scho méi no.



**Nei Wunnforme fir Jonk an Al** Mir wäerten de geplangte legale Kader fir WGen ëmsetzen an d'kommunal Umeldereegele landeswäit harmoniséieren, fir virun allem jonke Leit d'Méiglechkeet ze gi **gënschteg ze wunnen**.

**Landwirtschaft** Duerch d'Subventioun vu Solaranlage wäerte mir eis Bauere weiderhin ënnerstëtzen an hinnen een zousätzlech Akommes erméiglechen.

Nei Aarbechtsplaze fir **Wooltz**. Nieft dem Ausbau vun der neier Aktivitéitszon um Schumannseck, wäerte mir **nei Aarbechtsplaze** duerch eng "Ausstell" vum Centre Informatique de l'État an duerch den Ausbau vum nationalen "Economie circulaire hub Wooltz" schafen.

**Stauséi** De Baueren ronderëm de Stau, wéi den 3 Stauséigemeinge wäerte mir fir hir Leeschtungen am Sënn vum nationale Waasserschutzgebitt méi finanziell Hëllef zoukomme loossen. Dëst doduerch, dass déi 2 Milliounen, déi vun der SEBES an de Waasserfong abezuelt ginn, integral an der Region reinvestéiert ginn.



**Randschelt** De Slow-Tourismus am Weste wäerte mir ausbaue mat **naturnoe Projeten** ewéi z.B. engem Touristegite am Porhaus.

**Réiden** Mir wäerten de Réidener Kanton weider bei der Ëmsetzung vun hirer **Visioun 2035** ënnerstëtzen. Mir wäerten eis fir staatlech Subventiounen fir eng **nei Museksschoul** zesumme mat Raimlechkeete fir d'Initiativ vum Réidener Kanton asetzen.

**Réiden** D'Ëmgeungsstrooss an d'Neigestaltung vum **Réidener Stadkär** wäerte mir prioritär weiderdriewen.

**Sëll** Investitiounen an d'**Verkiersberouegung** zu Sëll sollen dozou bäidroen, d'**Liewensqualitéit** ze verbesseren (30er Zonen am Duerfkär).

**Préizerdaul** Mir driewen de Projet vun der **Ëmgeungspiste** fir d'Camionen, déi an d'Karriär fuere, weider.



**Clärréf** Zesumme mat den Geschäftsleit vu Clärréf an der Gemeng wëlle mir e Konzept entwëckelen, wéi de Stadkär vu Clärréf erëm méi lieweg ka ginn.

**Veianen** Mir garantéieren eng staatlech Ënnerstëtzung bei der Renovéierung vun der Veianer Schwemm, op där och **Solarenergie** produzéiert soll ginn, fir esou déi lafend Käschte besser decken ze kënne.



Mir driewen den Ausbau vun der **Vëlospist** vu Furen iwwert Baastenduerf op d'Bleesbréck weider a wëllen och Bettenduerf direkt mat der Bleesbréck verbannen, fir dass d'Leit aus dese Gemenge méi sécher kënne mam Vëlo an d'Nordstad fuere.

**Nordstad** De Projet vun der Nordstad wäerte mir mat konkreten Initiativen weiderbréngen:

- **Héichwaasserschutz** (besonnesch fir Angelduerf a Bettenduerf)
- Verbanne vun de Gréngflächen an den Uertschafte mat dem **Landschaftspark** laanscht d'Uelzecht, d'Waark an d'Sauer
- Ausbau vun de moderne **Schoul- a Sportsinfrastrukturen**
- Ausbau vun **abordablem Wunnraum** am Walebroch zu Dikrich an Angelduerf
- Stärkung vun der **Kulturoffer** andeems d'Nordstadgemenge gehollef kréien eng Annexe vum Nordstadconservatoire zu Dikrich ze bauen.

**Dikrich & Ettelbréck** D'Entlaaschtung vu béide Stadzentre wäerte mir duerch déi geplangten « **contournements de proximité** » an enger neier Gare zu Ierpeldeng realiséieren. Déi nei Gare bitt och d'Méiglechkeet duerch d'**Dezentraliséierung** vun de Verwaltunge vun z.B. dem Agrarministère, staatlech Aarbechtsplazen an den Norden ze bréngen.